

Amistad . - anno 9, no. 6 (juni/juli 1979), p. 45-46

ELECCION TEEN PRINCESS ARUBA UN TREMENDO EXITO *SHEILA LOPEZ TEEN PRINCESS ARUBA*

Personanan cu a bai presencia eleccion di Teen Princess Aruba 1979 por a goza di un tremendo show, cual por worde cualifica como un show Internacionalmente prepara, manera semper e comision di Teen Princess Aruba sa presenta.

E mucha muhernan a haya preparacionnan den tanto actuacion, modelaje, etiketa, etc. pa mas di 2 luna largo y tanto e candidatanan como e publico por a goza di esaki. E show a cuminsa 15 minuut laat y a tuma lugar den e luhoso ball room di Hotel Concorde.

Diez dama y cabayeronan di honor a acompaña y forma fila pa e candidatanan participante durante e



apertura di e atardi.

Seguidamente e candidatanan a

presenta nan mes na e publico presente den trahe nacional, durante

cual "Miss Amity", Srta. Daphney Martijn a worde presenta na e publico presente.

A sigui presentacion di e miembronan di jurado y invitadonan especial mientras cu e grupo "The Singing Youngsters" bow direccion di Sra. Maybeline Arends-Croes a interpreta dos cancion. E candidatanan a haci nan presentacion oficial tanto den trahe di banjo como trahe di anochi pa e juradonan.

Tambe a actua e anochi aki e popular Trio Huasteca, kendenan a duna un bon presentacion y a presenta nan cancion cual nan lo competi cune na Pto. Rico y a cai na smaak di e publico presente.

Teen Princess Aruba, Srta. Belkis Wingham a haci su ultimo paseo den un forma majestral, bailando un wals cu 10 diferente mucha homber, pero den un atraccion sublime y como despedida ela ricibi for di e 10 mucha hombernan, 10 flor. Seguidamente ela dirigi su mes na e publico presente, sigui despues pa actuacion di Srta. Lilian Boekhoudt y Milene Arends.

E 5 finalistanan a worde anuncia y nan tabata, Srta. Sheila Lopez, Arlette Alexander, Mariana Werleman, Magda Croes y Thomasia de Freitas.

Cada un di e candidatanan a ricibi un pregunta, cual te na e momento ey tabata desconoci p'e candidatanan.

E juradonan consistiendo door di Sra. Gladys Lin, Srta. Marvelin Ras, e prome Teen Princess Aruba, Miss Aruba Lugina Vilchez, Sra. Emily Bradshaw, Srs. Tico Croes, Hendrik Croes, Djispi Franken y como presidente Sr. Antonio Carlo



Esaki ta e momento cu Teen Princess Aruba 1979, Srta. Sheila Lopez a haci su prome paseo oficialmente.

Foto: DJIESPIE FRANKEN
di Amigoe

a duna e siguiente veredicto: 4a finalista Mariana Werleman, 3a finalista, Magda Croes, 2a finalista Thomasia de Freitas, 1e finalista Arlette Alexander y Teen Princess Aruba Sheila Lopez.

Como Miss Hospitality a keda eligi Srta. Magda Croes, kende tin e tarea pa host tur e candidatanan p'e certamen di Miss Teenage Intercontinental 1979, na October proximo.

E maestronan di ceremonia Srta. Diana Croes y Scorpio a haci un bon trabaow.

Diputadonan Nel Oduber y Daniel Leo a haci entrega di e trofeonan, mientras cu Diputado Kelly a corona Srta. Sheila Lopez como Teen Princess Aruba 1979.

E publico por a goza di un show bon presenta y tur hende a regresa nan cas satisfecho cu e eleccion di Teen Princess Aruba.